

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI KHAMIS, 4 DISEMBER 2008, PUKUL 10.00 PAGI**

**Bil. 73**

---

**PERTANYAAN-PERTANYAAN BAGI JAWAB LISAN**

1. PR-1213-L16297  
**Datuk Ir. Edmund Chong Ket Wah [ Batu Sapi ]** minta **MENTERI DALAM NEGERI** menyatakan jumlah pekerja asing dan jumlah hasil pekerja-pekerja asing dari Sabah, Sarawak serta Semenanjung Malaysia.
2. PR-1213-L16289  
**Dato' Kamarul Baharin bin Abbas [ Telok Kemang ]** minta **MENTERI TENAGA, AIR DAN KOMUNIKASI** menyatakan :-
  - (a) jumlah pusat jana kuasa bebas (IPP) yang dibina dalam lingkungan 100 meter daripada kawasan perumahan; dan
  - (b) piawaian yang ditetapkan bagi memastikan tiada masalah pencemaran udara, bunyi bising, gegaran dan kadang kala letupan-letupan yang berlaku daripada pusat jana kuasa berkenaan.
3. PR-1213-L15876  
**Datuk Juslie Bin Ajirol [ Libaran ]** minta **MENTERI LUAR NEGERI** menyatakan bagaimana untuk mengubah pandangan negara luar terhadap orang Islam yang sering dikategorikan sebagai pengganas dan bagaimana cara untuk mengatasinya.
4. PR-1213-L15092  
**Puan Siti Zailah binti Mohd. Yusoff [ Rantau Panjang ]** minta **PERDANA MENTERI** menyatakan berapakah jumlah hotel yang sedang beroperasi di seluruh negara mendapat pengiktirafan "Logo HALAL" dan berapakah yang masih belum mendapat pengiktirafan tersebut. Apakah usaha untuk mengatasi masalah ini.

5. PR-1213-L14760  
**Tuan Haji Ahmad Lai bin Bujang [ Sibuti ]** minta **MENTERI PERUSAHAAN PERLADANGAN DAN KOMODITI** menyatakan adakah pihak Kementerian menjalankan kajian kesan perladangan kelapa sawit dalam skala besar akibat penggunaan racun dan baja kimia.
6. PR-1213-L15588  
**Dr. Lo' Lo' binti Mohamad Ghazali [ Titiwangsa ]** minta **MENTERI WILAYAH PERSEKUTUAN** menyatakan :-
  - (a) perancangan Kerajaan ke atas tapak tanah di Kg. Kerayong dan juga Kg. Indian Settlement dalam Parlimen Titiwangsa; dan
  - (b) apakah tawaran Kerajaan bagi penduduk yang ingin berpindah dan bagaimana pula nasib bagi mereka yang enggan berpindah.
7. PR-1213-L15230  
**Datuk Bung Moktar Bin Radin [ Kinabatangan ]** minta **PERDANA MENTERI** menyatakan tentang komitmen Lembaga Tabung Haji dan lain-lain agensi Kerajaan ke arah melaksanakan tanggungjawab sosial terutamanya terhadap masyarakat luar bandar seperti di kawasan Kinabatangan.
8. PR-1213-L15244  
**Tuan Khalid bin Abdul Samad [ Shah Alam ]** minta **MENTERI DALAM NEGERI** menyatakan sejauh manakah siasatan polis terhadap kes penculikan dan pembunuhan Nurin Jazlin Jazimin dan kes penculikan Sharlinie Mohd Nashar.
9. PR-1213-L15166  
**Dato' Henry Sum Agong [ Lawas ]** minta **MENTERI PENGANGKUTAN** menyatakan sama ada pihak MAS akan menurunkan tambang yang tinggi sekarang memandangkan syarikat tersebut sudah pulih dan mengalami keuntungan.
10. PR-1213-L15716  
**Tuan Tan Tee Beng [ Nibong Tebal ]** minta **MENTERI PERUMAHAN DAN KERAJAAN TEMPATAN** menyatakan bagaimana pihak Kementerian memantau pelantikan kontraktor pemungut sampah di kawasan setempat, dan adakah Kementerian menyedari bahawa pihak kontraktor telah mengagihkan tugas mereka kepada kontraktor bawahan yang lain.
11. PR-1213-L15767  
**Tuan Haji Mohd Nor bin Othman [ Hulu Terengganu ]** minta **PERDANA MENTERI** menyatakan adakah Kerajaan bercadang menjadikan kawasan tanaman sawit yang tidak berpeneroka di FELDA Bukit Bading Hulu Terengganu seluas kira-kira 600 ekar untuk dibahagikan kepada anak-anak peneroka yang tidak mempunyai pekerjaan tetap sebagai generasi kedua peserta FELDA.

12. PR-1213-L16482  
**Tuan Amran bin Ab Ghani [ Tanah Merah ]** minta **MENTERI PENGANGKUTAN** menyatakan status tanah-tanah milik KTMB di Tengah Barat Tanah Merah yang terbiar dengan kuarters yang buruk serta ada yang tidak lagi dihuni dan mencacatkan keindahan bandar dan apakah langkah Kementerian dalam mencantikkan kawasan tersebut.
13. PR-1213-L14828  
**Puan Hajah Nancy binti Haji Shukri [ Batang Sadong ]** minta **PERDANA MENTERI** menyatakan apakah status Malaysia dalam 'global ranking' dari sudut indeks pengetahuan ekonomi.
14. PR-1213-L15407  
**Dr. Haji Mohd Hayati Bin Othman [ Pendang ]** minta **MENTERI DALAM NEGERI** menyatakan jumlah pelajar asing yang telah menyalahgunakan visa pelajar untuk kerja-kerja lain dan tidak kembali ke tanah air mereka, serta hukuman yang dikenakan ke atas IPTA/IPTS terbabit, setakat ini berapa yang telah dikenakan hukuman.
15. PR-1213-L14820  
**Tuan Mohd Firdaus bin Jaafar [ Jerai ]** minta **MENTERI DALAM NEGERI** menyatakan bilakah pembinaan IPD Yan akan bermula dan adakah status pondok polis di pekan Jeniang akan ditukar kepada status Balai Polis Jeniang.
16. PR-1213-L15673  
**Tuan Liew Chin Tong [ Bukit Bendera ]** minta **PERDANA MENTERI** menyatakan sewaan tahunan dibayar kepada Putrajaya Holdings untuk kegunaan Seri Perdana Putrajaya dan kediaman Timbalan Perdana Menteri dan kos penyelenggaraan tahunan mereka.
17. PR-1213-L14981  
**Dato' Shamsul Anuar bin Nasarah [ Lenggong ]** minta **MENTERI PERPADUAN, KEBUDAYAAN, KESENIAN DAN WARISAN** menyatakan usaha Kementerian mengaktifkan kegiatan kesenian di kampung-kampung atau kawasan luar bandar dan bolehkah Kementerian memberikan fokus menghidupkan satu aktiviti kesenian di setiap kawasan parlimen dengan memberikan peruntukan khusus mengenainya kerana di samping boleh membudayakan aktiviti ini ia juga memupuk perpaduan di kalangan masyarakat.
18. PR-1213-L15592  
**Tuan Lim Lip Eng [ Segambut ]** minta **MENTERI PENGAJIAN TINGGI** menyatakan berapakah bilangan pensyarah daripada jumlah semua pensyarah-pensyarah di universiti-universiti tempatan yang kelayakan akademik mereka adalah tidak diiktiraf oleh UNESCO, mengapa begitu dan apakah langkah-langkah Kerajaan untuk menangani isu ini.

19. PR-1213-L16150  
**Datuk Dr Tekhee @ Tiki anak Lafe [ Mas Gading ]** minta **MENTERI SUMBER ASLI DAN ALAM SEKITAR** menyatakan dasar serta langkah-langkah yang diambil bagi mengawal kerja-kerja mengali untuk dijual tanah dari kawasan tinggi termasuk bukit yang berleluasa berikutan kepesatan pembangunan di seluruh negara supaya tidak menimbulkan masalah alam sekitar.
20. PR-1213-L15805  
**Puan Hajah Fuziah binti Salleh [ Kuantan ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan :-
- (a) sama ada Menteri sedar bahawa subsidi minyak diesel untuk bas pekerja kilang yang telah diumumkan oleh Kerajaan di dalam akhbar tempatan pada 10 Jun 2008 telah ditarik balik tanpa dimaklumkan kepada umum; dan
  - (b) apakah tindakan lanjut Kementerian berkenaan hal ini.
21. PR-1213-L14994  
**Dato' Zahrain Mohamed Hashim [ Bayan Baru ]** minta **MENTERI PEMBANGUNAN USAHAWAN DAN KOPERASI** menyatakan berapakah bilangan kontraktor kelas F yang aktif dan adakah Kerajaan bercadang untuk tidak menyenaraikan mereka yang tidak aktif.
22. PR-1213-L16030  
**Dr. Haji Dzulkefly bin Ahmad [ Kuala Selangor ]** minta **MENTERI PELANCONGAN** menyatakan jumlah yang telah diperuntukkan dalam RMK-8 dan RMK-9 untuk membangunkan Taman Alam, Kuala Selangor sebagai tempat persinggahan burung-burung, hutan paya bakau dan pusat tarikan pelancongan di Malaysia.
23. PR-1213-L15319  
**Tuan Gobalakrishan a/l Nagapan [ Padang Serai ]** minta **MENTERI PELANCONGAN** menyatakan berapa banyakkah wang yang telah dibelanjakan oleh Kementerian untuk tujuan promosi di dalam dan luar negara:-
- (a) apakah langkah-langkah yang diambil oleh pihak Kementerian untuk bekerjasama dengan Kerajaan Pakatan Rakyat di 5 buah negeri untuk mempromosikan industri pelancongan; dan
  - (b) adakah pelajar-pelajar asing dikategorikan sebagai pelancong.
24. PR-1213-L15510  
**Tuan Salahuddin Bin Haji Ayub [ Kubang Kerian ]** minta **MENTERI PENGAJIAN TINGGI** menyatakan apakah langkah-langkah pro-aktif yang telah dan sedang dijalankan bagi memperbaiki rating/kedudukan IPTA kita yang semakin jatuh berbanding dengan kedudukan universiti terkemuka dunia masa kini.

25. PR-1213-L16084  
**Tuan Manikavasagam A/L Sundaram [ Kapar ]** minta **PERDANA MENTERI** menyatakan adakah Kerajaan bersedia untuk menubuhkan Jawatankuasa Khas bagi merangkumi semua lapisan masyarakat bagi menjayakan peningkatan ekuiti dan sosio ekonomi masyarakat India mencapai sasaran 3%. Jika ya, bilakah ia akan ditubuhkan dan jika tidak, mengapa.
26. PR-1213-L16330  
**Dr. Mohd Hatta bin Md Ramli [ Kuala Krai ]** minta **MENTERI PERTANIAN DAN INDUSTRI ASAS TANI** menyatakan semua bentuk bantuan yang disediakan oleh Kementerian kepada pekebun kecil yang berhasrat untuk memajukan tanah-tanah mereka yang terbiar dengan perusahaan pertanian makanan termasuk penternakan, serta syarat-syarat kelayakan yang ditetapkan kepada pemohon.
27. PR-1213-L16066  
**Tuan Karpal Singh [ Bukit Gelugor ]** minta **PERDANA MENTERI** menyatakan sama ada pihak Kerajaan bersedia untuk memansuhkan hukuman mati sebagai salah satu hukuman dalam undang-undang Malaysia. Jika tidak, berikan alasan-alasannya.
28. PR-1213-L15457  
**Dato' Seri Haji Azmi bin Khalid [ Padang Besar ]** minta **MENTERI PERTANIAN DAN INDUSTRI ASAS TANI** menyatakan penjelasan kenapa Kementerian amat kurang mewujudkan "business model" bagi projek-projek pertanian yang boleh diusahakan di kawasan-kawasan luar bandar, khusus bagi memastikan pihak pengusaha benar-benar berdikari dan tidak bergantung di bawah payung subsidi untuk berjaya.
29. PR-1213-L14774  
**Datuk Haji Mohamed Bin Haji Aziz [ Sri Gading ]** minta **MENTERI KEWANGAN** menyatakan apakah Kerajaan boleh menurunkan harga minyak petrol di negara ini kepada RM 1.92 seliter jika harga minyak petrol dunia turun kepada USD 100 setong.
30. PR-1213-L16412  
**Dato' Haji Ismail Bin Haji Abd. Muttalib [ Maran ]** minta **MENTERI KEWANGAN** menyatakan berapakah jumlah pusat-pusat perjudian yang terdapat di negara ini sehingga Mei 2008 dan apakah langkah positif Kerajaan dalam mengurangkan jumlah pusat-pusat perjudian di negara ini.
31. PR-1213-L15719  
**Datuk Tiong Thai King [ Lanang ]** minta **PERDANA MENTERI** menyatakan :-
- (a) bilangan Ahli Parlimen pada Parlimen Kedua Belas ini; dan
  - (b) pencapaian akademik mengikut kelulusan seperti memperolehi Ijazah Sarjana, Ijazah Sarjana Muda dan Ijazah Kehormat Kedoktoran dan lain-lain.

32. PR-1213-L15320  
**Puan Hajah Zuraida binti Kamaruddin [ Ampang ]** minta **MENTERI PELAJARAN** menyatakan :-
- (a) mengapakah tiada langsung Sekolah Kebangsaan di Bukit Antarabangsa, Ampang sekalipun penduduk telah pun bertambah dan terpaksa bersekolah di luar kawasan; dan
  - (b) adakah sedang merancang atau akan membina sekolah bagi penduduk-penduduk ini.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Pertanian dan Industri Asas Tani**

- \* Rang Undang-undang Makanan Haiwan 2008.

---

\*Menandakan bahawa Rang Undang-undang ini akan dibawa pada semua peringkat pada mesyuarat ini.

**ATURAN URUSAN MESYUARAT DAN USUL-USUL**

1. **Menyambung semula pertimbangan ke atas Rang Undang-undang Perbekalan 2009 (D.R.16/2008) dan Usul Anggaran Perbelanjaan Pembangunan 2009 seperti berikut:-**

“ Bahawa Dewan ini, mengikut seksyen 4(3) Akta Kumpulan Wang Pembangunan 1966, membuat ketetapan iaitu satu jumlah wang sebanyak tidak lebih daripada lima puluh tiga bilion tujuh ratus dua puluh sembilan juta satu ratus empat puluh lima ribu ringgit (RM53,729,145,000) dibelanjakan daripada Kumpulan Wang Pembangunan bagi tahun 2009, dan bagi tujuan-tujuan dan butiran-butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Bajet Persekutuan 2009, yang dibentangkan sebagai Kertas Perintah 41 Tahun 2008, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan lapan dan sembilan senarai tersebut. “

**Dalam Jawatankuasa Sebuah-buah Majlis (03 Disember 2008)**

- |    |                |  |                               |
|----|----------------|--|-------------------------------|
| 2. | (D.R. 17/2008) | Rang Undang-undang Kewangan 2008<br><br><b>(Menteri Kewangan)</b>  | <b>Bacaan Kali Yang Kedua</b> |
| 3. | (D.R. 12/2008) | Rang Undang-undang Universiti dan Kolej Universiti (Pindaan) 2008<br><br><b>(Menteri Pengajian Tinggi)</b>             | “                             |
| 4. | (D.R. 14/2008) | Rang Undang-undang Institusi Pendidikan Tinggi Swasta (Pindaan) 2008.<br><br><b>(Menteri Pengajian Tinggi)</b>         | “                             |
| 5. | (D.R. 15/2008) | Rang Undang-undang Latihan Khidmat Negara (Pindaan) 2008.<br><br><b>(Menteri Pertahanan)</b>                           | “                             |
| 6. | (D.R. 19/2008) | Rang Undang-undang Lembaga Hasil Dalam Negeri Malaysia (Pindaan) 2008.<br><br><b>(Menteri Kewangan)</b>                | “                             |
| 7. | (D.R. 18/2008) | Rang Undang-undang Orang-Orang Papa (Pindaan) 2008<br><br><b>(Menteri Pembangunan Wanita, Keluarga dan Masyarakat)</b> | “                             |

8. **Menteri Kewangan** akan mencadangkan :

“ Bahawa Dewan ini, mengikut peruntukan di bawah Seksyen 5 Akta Persatuan Pembangunan Antarabangsa 1960, mengambil ketetapan bersetuju supaya Malaysia membuat sumbangan kepada Program Penambahan Semula Dana Persatuan Pembangunan Antarabangsa ke Lima Belas sebanyak RM7,327,324. “

9. PR-1213-U14748

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, sejak akhir-akhir ini, seluruh dunia dan tidak ketinggalan negara Malaysia, menghadapi masalah pencemaran alam sekitar yang amat serius. Dan mengambil maklum bahawa selain menyebabkan pencemaran alam sekitar, plastik telah menyumbang kepada kejadian banjir, takungan air yang menjadi tempat pembiakan nyamuk dan lain-lain lagi masalah yang boleh memudaratkan kesihatan dan keselamatan manusia sejagat. Dan mengambil maklum bahawa, dengan kemajuan teknologi yang terdapat pada ketika ini, terdapat banyak jenis plastik mesra alam atau bio-plastics yang boleh kita gunakan dengan selamat berbanding dengan plastik hasil petroleum. Dan mengambil maklum bahawa kita diberkati dengan bahan-bahan semula jadi bagi menghasilkan plastik mesra alam seperti polylactide acid (PLA) plastic, poly-3-Hydroxybutyrate (PHB) Polyamide 11 (PA 11) dan Bio-Derived Polyethylene. Maka dengan ini, dewan hendaklah mengambil ketetapan untuk meminta Kerajaan untuk meminda satu akta yang mengharamkan penggunaan plastik hasil keluaran petroleum , dan menggantikan penggunaan plastik tersebut dengan plastik mesra alam."

**(Menteri Perumahan dan Kerajaan Tempatan)**

10. PR-1213-U14754

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa fenomena global warming menjadi sangat serius dan Malaysia tidak terkecuali daripada fenomena ini. Dan mengambil maklum bahawa, fenomena ini telah menjadi keraguan bagi seluruh dunia. Dan mengambil maklum bahawa mengikut kajian yang dijalankan di Amerika Syarikat pada tahun 2002, pelepasan Carbon Dioxide hasil daripada penjanaan kuasa elektrik menyumbang 40% daripada pelepasan Carbon Dioxide yang secara terus menyebabkan kerosakan ozon yang secara langsung pula menyebabkan kepanasan dunia. Dan mengambil maklum juga bahawa hari ini, pembakaran Fossil Fuel dan arang batu sebagai bahan bakar bagi penjanaan kuasa elektrik terbukti memudaratkan kehidupan manusia. Dan mengambil maklum bahawa terdapat banyak teknologi baru bagi menghasilkan tenaga elektrik seperti Pelamis Wave Energy Converter-Ocean Sources , Biomass Fuel, Geothermal Energy, Hydroelectric, Solar Energy, Wind Energy dan Fuel Cell. Maka dengan ini dewan hendaklah mengambil ketetapan untuk meminta Kerajaan untuk menggalakkan penggunaan sumber tenaga alternatif seperti yang disebutkan tadi, terutama sekali di kawasan yang tidak mendapat bekalan elektrik, misalnya di pulau-pulau di perairan negeri Sabah."

**(Menteri Tenaga, Air dan Komunikasi)**

11. PR-1213-U14757

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa penstrukturan semula subsidi minyak telah membawa impak kepada mutu hidup rakyat. Dan mengambil maklum bahawa kesan penstrukturan ini juga telah menyebabkan Kerajaan menanggung kos subsidi yang lain bagi menstabilkan kesejahteraan hidup rakyat. Dan mengambil maklum bahawa penggunaan petrol sebagai bahan bakar (bagi kenderaan) telah meningkat dengan mendadak sekali. Dan mengambil maklum juga dengan rizab gas asli yang hampir mencapai 100 trilion kaki padu, penggunaan gas asli dalam Natural Gas Vehicle (NGV) haruslah dikembangkan di seluruh negara termasuklah di negeri Sabah dan Sarawak. Maka dengan ini dewan hendaklah mengambil ketetapan untuk meminta Kerajaan untuk menjadikan projek NGV ini sebagai projek nasional, yang mana ianya bukan sahaja dapat menjimatkan wang Kerajaan dari segi subsidi minyak tetapi juga dapat mengurangkan kesan pemanasan dunia."

**(Menteri Perdagangan Dalam Negeri dan Hal Ehwal Pengguna)**

12. PR-1213-U15554  
**Dr. Tan Seng Giaw [ Kepong ]** akan mencadangkan:-
- "Bahawa Dewan ini membincangkan kedudukan undang-undang dan kesesuaian Draf Pelan Bandar Raya Kuala Lumpur 2020 untuk mewujudkan KL sebagai Bandar Raya Bertaman Tropika dan Bertaraf Dunia. Dewan juga hendak membahaskan pelbagai aspek termasuk penggunaan tanah dan kepadatan kependudukan KL."
- (Menteri Wilayah Persekutuan)**
13. PR-1213-U15555  
**Dr. Tan Seng Giaw [ Kepong ]** akan mencadangkan:-
- "Bahawa Dewan ini membahaskan setakat mana wujudnya kerjasama dari semua pihak dengan Institut Integriti Malaysia untuk meningkatkan integriti dan masalah dan menghapuskan rasuah di negara ini."
- (Perdana Menteri)**
14. PR-1213-U16405  
**Puan Teresa Kok Suh Sim [ Seputeh ]** akan mencadangkan:-
- "Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para Ahli Berhormat dan proses Dewan Rakyat membuat keputusan terhadap dasar dan undang-undang."
- (Menteri Penerangan)**
15. PR-1213-U16408  
**Puan Teresa Kok Suh Sim [ Seputeh ]** akan mencadangkan:-
- "Bahawa Dewan ini mengambil keputusan untuk memulihkan pilihan raya Kerajaan Tempatan demi menjadikan perkhidmatan Kerajaan Tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."
- (Menteri Perumahan dan Kerajaan Tempatan)**

16. PR-1213-U16411  
**Puan Teresa Kok Suh Sim [ Seputeh ]** akan mencadangkan:-  
  
"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."  
  
**(Perdana Menteri)**
17. PR-1213-U16414  
**Puan Teresa Kok Suh Sim [ Seputeh ]** akan mencadangkan:-  
  
"Bahawa Dewan ini menyokong cadangan Suruhanjaya Diraja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."  
  
**(Menteri Dalam Negeri)**
18. PR-1213-U14923  
**Datuk Eric Enchin Majimbun [ Sepanggar ]** akan mencadangkan:-  
  
"Bahawa Dewan ini menetapkan dengan seriusnya mengikut seksyen 4, Akta 144 Akta Pembangunan Petroleum 1974 agar Kerajaan negeri yang mengeluarkan minyak mentah dinaikkan royalti daripada 5% setelah dipersetujui oleh kedua-dua pihak kepada kadar 20%."  
  
**(Perdana Menteri)**
19. PR-1213-U14926  
**Datuk Eric Enchin Majimbun [ Sepanggar ]** akan mencadangkan:-  
  
"Bahawa Dewan ini mempertimbangkan untuk membincang supaya Kerajaan merancang serta menyusun semula kerjasama dengan semua negara-negara yang ada kaitan dengan pembangunan BIMP-EAGA agar negara-negara jiran ini dapat sama-sama membangun serentak untuk mengimbangkan pembangunan dengan negara yang kurang membangun. Penghijrahan pekerja daripada negara jiran sudah tentu dapat dibendung khasnya Pendatang Tanpa Izin (PTI) di Sabah dapat dikurangkan."  
  
**(Perdana Menteri)**

20. PR-1213-U14928  
**Datuk Eric Enchin Majimbun [ Sepanggar ]** akan mencadangkan:-
- "Bahawa Dewan ini membincang dengan seriusnya agar perusahaan penanaman padi dapat digembleng dan dipertingkatkan. Kawasan-kawasan sesuai yang terbiar seharusnya diusahakan demi untuk menampung keperluan makanan utama kita. Kerajaan seharusnya mempertimbangkan bantuan kewangan serta nasihat teknikal dalam perusahaan yang murni ini."
- (Menteri Pertanian dan Industri Asas Tani)**
21. PR-1213-U16495  
**Tuan Fong Kui Lun [ Bukit Bintang ]** akan mencadangkan:-
- "Bahawa Dewan ini meluluskan ketetapan bahawa kerajaan persekutuan hendaklah memulihkan semula pilihan raya kerajaan tempatan di semua majlis / dewan bandar raya dan majlis perbandaran seluruh negara dengan mengambil tindakan meminda Perlembagaan Persekutuan dan Akta Kerajaan Tempatan 1976 bagi maksud tersebut supaya perwakilan rakyat di dalam Kerajaan Tempatan dikembalikan semula selaras dengan amalan demokrasi berparlimen di Malaysia dan tuntutan rakyat sebagaimana yang dijemakan dalam keputusan Pilihan Raya Umum 2008 yang mencerminkan kehendak dan hasrat rakyat."
- (Menteri Perumahan dan Kerajaan Tempatan)**
22. PR-1213-U16496  
**Tuan Fong Kui Lun [ Bukit Bintang ]** akan mencadangkan:-
- "Bahawa Dewan ini bersetuju supaya Kerajaan Persekutuan membina sebuah Muzium memperingati kapitan Yap Ah Loy bagi mengenang jasa mendiang sebagai pembuka dan bapa pembangunan awal Kuala Lumpur untuk tatapan masyarakat Malaysia dan antarabangsa."
- (Menteri Perpaduan, Kebudayaan, Kesenian dan Warisan)**
23. PR-1213-U16497  
**Tuan Fong Kui Lun [ Bukit Bintang ]** akan mencadangkan:-
- "Bahawa Dewan ini membantah tindakan Kerajaan Persekutuan di bawah Kementerian Kemajuan Luar Bandar dan Wilayah membentuk JKKKP di kampung-kampung dalam negeri-negeri yang diperintah oleh kerajaan campuran Pakatan Rakyat kerana ia bertindan dengan JKKK sedia ada yang ditadbir oleh pejabat daerah di negeri-negeri tersebut menyebabkan rakyat berpecah-belah, berpuak-puak dan didiskriminasikan, sebaliknya merestui JKKK sedia ada dengan menyalurkan peruntukan secara sama rata dan adil."
- (Menteri Kemajuan Luar Bandar dan Wilayah)**

24. PR-1213-U16498  
**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini bersetuju untuk mendesak Kementerian Wilayah Persekutuan dan Dewan Bandaraya Kuala Lumpur yang dalam proses Draf Pelan Tempatan 2020 menetapkan dasar tegas untuk tidak mengambil tindakan di bawah Akta Pengambilan Tanah 1960 ke atas tanah-tanah milik persendirian di Kuala Lumpur bagi melaksanakan cadangan pelan yang bertentangan dengan kepentingan dan kehendak rakyat."

**(Menteri Wilayah Persekutuan)**

25. PR-1213-U14755  
**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan ini hendaklah membahaskan perubahan dasar iaitu Sistem Pendidikan kini yang amat dipinggirkan dan tanda-tanda yang amat mudah dilihat ialah rendahnya anggaran peruntukan pendidikan yang disediakan untuk kaum bukan bumiputera. Pada masa yang akan datang, pengamalan yang negatif ini akan melumpuhkan kegiatan pengembangan dalam bidang pendidikan dan akibatnya akan mengalami stagnasi yang luar biasa untuk satu kaum. Maka dengan ini Dewan hendaklah mengambil ketetapan untuk meminta Kerajaan bagi menggalakkan dan memberikan peluang untuk reformasi bidang pendidikan di negara agar setiap generasi dan kaum dapat dibentuk sesuai dengan tuntutan zamannya dan bagi perubahan tersebut, kadar nisbah harus dimansuhkan dan pinjaman pendidikan harus dibuka kepada kesemua rakyat Malaysia yang layak untuk mendapatnya."

**(Menteri Pelajaran)**

26. PR-1213-U14756  
**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa dengan ini Dewan hendaklah mengambil satu ketetapan untuk meminta Kerajaan Malaysia untuk membina 100 buah Sekolah Cina dan 50 buah Sekolah Tamil yang baru tanpa apa-apa keraguan perbezaannya dalam jangka masa yang singkat."

**(Menteri Pelajaran)**

27. PR-1213-U15524  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya ditubuhkan majlis yang dinamakan Majlis Tindakan Perancangan Tenaga Negara (MTPTN) yang, antara lain akan membincangkan langkah-langkah pro-aktif Kerajaan untuk menghadapi kemungkinan berlakunya krisis harga bahan api fosil dunia yang sering kali di manipulasi oleh pasaran minyak mentah antarabangsa. Majlis ini akan berperanan mengikut terma-terma berikut berperanan mengenal pasti dan seterusnya melantik pakar-pakar dalam bidang-bidang berkaitan dari pihak Kerajaan, swasta, badan-badan bukan Kerajaan (NGOs) dan parti-parti politik menganggotai MTPTN, MTPTN berperanan mengemukakan Pelan Induk (Master Plan) untuk membolehkan Kerajaan membuat perancangan jangka pendek dan jangka panjang di dalam menghadapi apa jua kemungkinan yang melibatkan krisis harga minyak di pasaran dunia dan mengkaji dengan penuh tanggungjawab bagaimana penstrukturan subsidi minyak boleh diagihkan dengan lebih adil dan kompeten kepada golongan sasar di negara ini."

**(Menteri Tenaga, Air dan Komunikasi)**

28. PR-1213-U15526  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya ditubuhkan satu Jawatankuasa Tertinggi peringkat kebangsaan bagi membolehkan Kerajaan melihat dan mengkaji semula peranan dan masa depan Sekolah-sekolah Agama Rakyat (SAR) yang semakin lumpuh akibat daripada sikap Kerajaan sendiri yang menghentikan pemberian bantuan per kapita pada tahun 2002."

**(Perdana Menteri)**

29. PR-1213-U15527  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya dikaji prestasi dan kompetensi Ketua Polis Negara dan Peguam Negara yang semakin dipersoalkan kredibiliti mereka oleh rakyat pada masa ini. Oleh itu, satu Tribunal Khas hendaklah ditubuhkan segera bagi mengembalikan integriti pasukan polis dan Jabatan Peguam Negara dan seterusnya memulihkan kepercayaan rakyat terhadap sistem penguatkuasaan dan pendakwaan di negara ini."

**(Perdana Menteri)**

30. PR-1213-U15528  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya satu kajian secara holistik hendaklah dijalankan terhadap kepekaan Kerajaan terhadap peranan golongan kurang upaya (OKU) di negara ini. Masih lagi terdapat banyak ruang yang memerlukan tindakan lebih serius Kerajaan untuk membela nasib dan masa depan golongan OKU ini. Ketidak pedulikan pihak-pihak tertentu khususnya pihak swasta dan Kerajaan sendiri telah mengakibatkan golongan OKU tercicir terutama untuk mendapatkan hak mereka seperti peluang pekerjaan, kemudahan asas dan rawatan kesihatan."

**(Menteri Pembangunan Wanita, Keluarga dan Masyarakat)**

31. PR-1213-U15530  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya semua tanah rizab Melayu yang ditukar status untuk projek-projek Kerajaan Persekutuan dan negeri hendaklah disegerakan pengantiannya dengan kawasan lain yang mempunyai nilai harga yang sama."

**(Menteri Sumber Asli dan Alam Sekitar)**

32. PR-1213-U15531  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya disegerakan semua usaha untuk memperbaiki serta meningkatkan pentadbiran, kebajikan dan pembangunan Orang Asli."

**(Menteri Kemajuan Luar Bandar dan Wilayah)**

33. PR-1213-U14893  
**Dr. Ramasamy a/l Palanisamy [ Batu Kawan ]** akan mencadangkan:-

"Bahawa Dewan ini meminta Kerajaan Malaysia untuk memainkan peranan yang lebih positif dalam proses mencari pendamaian di Selatan Thailand, Selatan Filipina dan Utara Sri Lanka. Pengalaman Malaysia dalam mentadbir dan mengurus kepelbagaian etnik dan agama boleh digunakan untuk mengagihkan pengetahuan yang berguna kepada negara-negara ini."

**(Menteri Luar Negeri)**

34. PR-1213-U14894  
**Dr. Ramasamy a/l Palanisamy [ Batu Kawan ]** akan mencadangkan:-

"Bahawa Dewan ini menyedari iaitu kakitangan akademik di Institut-institut Pengajian Awam Negara adalah didominasi oleh satu golongan etnik. Dewan ini meminta Kerajaan Malaysia untuk memastikan bahawa lebih ramai calon daripada golongan bukan bumiputera dilantik sebagai kakitangan akademik pada masa depan agar mencerminkan komposisi multi-etnik negara."

**(Menteri Pengajian Tinggi)**

35. PR-1213-U14896  
**Dr. Ramasamy a/l Palanisamy [ Batu Kawan ]** akan mencadangkan:-

"Bahawa Dewan ini meminta Kerajaan Malaysia supaya mengambil langkah-langkah efektif untuk membina lebih banyak sekolah-sekolah Jenis Kebangsaan Cina dan Tamil demi menjaga kepentingan serta memenuhi keperluan masyarakat Cina dan India di negara ini."

**(Menteri Pelajaran)**

36. PR-1213-U15687  
**Tuan Liew Chin Tong [ Bukit Bendera ]** akan mencadangkan:-

"Bahawa Dewan ini membuat ketetapan bahawa sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti di bahas di Parlimen dan diaudit oleh Jabatan Audit Negara bagi mempertingkatkan integriti dan keberkesanan jangka panjang pembelian sistem pertahanan. "

**(Menteri Pertahanan)**

37. PR-1213-U15416  
**Tuan William Leong Jee Keen [ Selayang ]** akan mencadangkan:-

"Bahawa Dewan ini membahaskan tuntutan Singapura untuk meluaskan zon ekonomi eksklusif dari Batu Puteh dan langkah-langkah yang patut diambil oleh Kerajaan untuk menentang tuntutan ini."

**(Menteri Luar Negeri)**

38. PR-1213-U14683

**Dr. Che Rosli bin Che Mat [ Hulu Langat ]** akan mencadangkan:-

"Bahawa Dewan ini mendesak pihak Kerajaan bagi memperkukuhkan sistem pengangkutan awam yang cekap, tepat, pantas dan murah serta mempunyai satu sistem yang berintegrasi antara satu sama lain. Jaringan pengangkutan tersebut harus diperluas ke seluruh pelosok negara tidak terhad hanya kepada bandar-bandar utama sahaja."

**(Menteri Pengangkutan)**

39. PR-1213-U14684

**Dr. Che Rosli bin Che Mat [ Hulu Langat ]** akan mencadangkan:-

"Bahawa Dewan ini mendesak pihak Kerajaan bagi mengurangkan kursus, seminar dan kegiatan pelancongan ke luar negara sebaliknya menggantikan lokasi tersebut ke dalam negara. Ini bagi menjimatkan kos perbelanjaan Kerajaan seterusnya merancakkan industri pelancongan dalam negara yang terjejas teruk akibat kenaikan harga petrol dan barangan keperluan. Ia juga dapat membantu pengusaha-pengusaha yang bergantung pendapatannya dengan kegiatan pelancongan seperti perhotelan, rekreasi dan seumpamanya."

**(Menteri Pelancongan)**

40. PR-1213-U15521

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasakan Resolusi 62/149 Bangsa- Bangsa Bersatu mengenai Moratorium terhadap hukuman mati yang telah dikuatkuasakan oleh Perhimpunan Agung Bangsa-bangsa Bersatu pada 18 Disember 2007 di mana bersetuju bahawa negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut. "

**(Menteri Luar Negeri)**

41. **Tuan Sivarasa a/l K. Rasiah [ Subang ]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49(1) kepada YB. Ahli bagi Kawasan Subang untuk mencadangkan suatu Rang Undang-undang Ahli Persendirian bernama Rang Undang-undang Kebebasan Maklumat 2008."

**(Menteri Dalam Negeri)**

42. **Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengkritik Kerajaan Barisan Nasional menggunakan Akta Keselamatan Dalam Negeri untuk menahan pemberita Sin Chew Jit Poh Cik Tan Hoon Cheng, penulis blog Raja Petra Kamaruddin dan Ahli Parlimen Seputeh YB Teresa Kok dalam bulan September tahun ini. Dewan ini juga memegang pendirian bahawa Akta Keselamatan Dalam Negeri merupakan akta yang tidak adil dan bercanggah dengan keadilan sejati (natural justice) dan hak asasi manusia, dan mengambil pendirian bahawa akta ini dimansuhkan."

**(Menteri Dalam Negeri)**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2008</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
DR 2/2008	Laporan Jawatankuasa Kira-kira Wang Negara mengenai :- -Prestasi Syarikat berkaitan Kerajaan (GLC) Di Bawah Khazanah Nasional Berhad Berdasarkan Key Performance Indicators (KPI)	4 Disember 2008
DR 3/2008	Laporan Jawatankuasa Kira-kira Wang Negara mengenai :- -Strategi untuk Mengatasi Masalah Kekurangan Beras Negara.	4 Disember 2008
DR 4/2008	Laporan Jawatankuasa Kira-kira Wang Negara mengenai :-  (A) Pembelian 12 Unit Helikopter (Eurocopter EC725) Oleh Kementerian Pertahanan.  (B) Perolehan 12 Unit Helikopter Bagi Menggantikan Pesawat Nuri TUDM Secara Tender Terbuka Antarabangsa.  (C) Pembelian 12 Unit Helikopter (Eurocopter EC725) Oleh Kementerian Pertahanan-Pengkhususan Teknikal.	4 Disember 2008